



Kev Txhim Kho Kev Nkag Mus Rau Hauv Khoos Kas thiab Kev Xa rau Txoj Cai Nyiaj Qiv Ntawm Kev Ua Liaj Teb

Lub Yim Hlis Ntuj Xyoo 2024



Qhia Thoob Plaws

FSA tau cog lus los pab Meskas cov neeg ua liaj teb thiab cov neeg yug tsiaj txhu kom muaj kev vam meej. Nyob rau lub Yim Hlis Ntuj Xyoo 2024, FSA tau tshaj tawm cov kev txhim kho rau Cov Khoos Kas Qiv Nyiaj Ua Liaj Teb Yug Tsiaj Txhu uas muab hauv kev ntxiv rau cov neeg ua liaj teb thiab cov yug tsiaj kom mus siv tau nyiaj qiv, kom ua tau li lawv cov hom phiaj fab nyiaj txiag, kom tau nyiaj ntau tshaj li qhov xav tseg, thiab npaj phiaj xwm rau lawv lub neej tom ntej kom yooj yim tuaj. Cov kev txhim kho no, ib feem ntawm Kev Txhim Kho Kev Nkag Mus Rau Hauv Khoos Kas thiab Kev Xa rau Txoj Cai Nyiaj Qiv Ntawm Liaj Teb, pab kom cov neeg cog qoob loo muaj kev ywj pheed fab nyiaj txiag thiab hloov tau yooj yim uas yuav los txhim kho lawv qhov nyiaj tau thiab rov ua kom zoo li qub.

Cov Kev Hloov Pauv Txoj Cai Zoo

Peb cov kev hloov pauv zoo feem ntau nyob rau hauv txoj cai ua kom cov neeg thov tuaj yeem nkag mus rau hauv cov cai kev them nyiaj rov qab uas yooj yim, txo cov cai teeb tseg txog kev lav rau kev them nyiaj txhab ntxiv, thiab tsim lub khoos kas kev tiv thaiv them ua hlis uas muaj tus nqi nyiaj paj tsawg rau cov neeg qiv uas muaj kev ntshov siab fab nyiaj txiag.

1. **Kev Txhawb Nqa Cov Nyiaj Txuag Fab Nyiaj Txiag Uas Muaj Cov Cai Kev Them Nyiaj Rov Qab Hloov Tau Yooj Yim** Txhua cov tub lag luam tuaj yeem ua hauj lwm nrog FSA txhawm rau tsim lub phiaj xwm kev lag luam uas tau tawm qauv los pab lawv txuag rau cov xwm txheej ceev, nyiaj laus, kev kawm, thiab cov kev nqis peev. Txhawm rau ua kom ntseeg siab tias cov kev xav tau cov nyiaj txuag yeej tau txais kev lees paub lawm, FSA muab cov cai kev rov them nyiaj uas yooj yim ntxiv rau cov neeg thov, uas suav nrog cov kev them nyiaj paj tsawg, thiab cov cai nyiaj qiv uas kav ntev uas muab lub sij hawm ntxiv los them.

2. **Cov Cai Teeb Tseg Txog Kev Lav Rau Kev Them Nyiaj Uas Tsawg Dua**

Cov cai teeb tseg txog kev lav rau kev them nyiaj rau cov nyiaj qiv ncaj nraim yog raug txo los ntawm kev muaj kev ruaj ntseg sib npaug rau 150% ntawm qhov nyiaj qiv uas nqis los ua 125%. Qhov no yuav pab ua kom cov neeg qiv muaj peev xwm nkag mus siv peev nyiaj los ntawm lwm cov neeg muab nyiaj rau qiv txhawm rau ua kom lawv li liaj teb thiab vaj yug tsiaj muaj kev nthuav dav ceev. Dhau li ntawd lawm FSA tshem tawm txoj cai teeb tseg uas cov neeg thov cog lus tias lawv qhov chaw nyob yog qhov tseem ceeb raws li qhov kev lav rau kev them nyiaj txhab ntxiv rau qhov nyiaj qiv tshiab. Dhau li ntawd lawm, tom qab kev tsim keeb kwm kev them nyiaj raws sij hawm, FSA yuav tso tawm cov nuj nqis rau kev lav rau kev them nyiaj uas tus neeg qiv tau muab ua qhov kev ruaj ntseg txhab ntxiv.

3. **Kev Tsim Lub Khoos Kas Faj Seeb Rau Tus Neeg Qiv Uas Muaj Kev Ntxhov Siab**

Cov neeg qiv uas muaj kev ntxhov siab fab nyiaj txiag tuaj yeem ncuva qhov kev them nyiaj qiv ib xyos ib zaug rau ib qhov nyiaj qiv uas muaj ntawm tus nqi nyiaj paj uas txo, muab hauv kev xaiv yooj yim thiab ceev los daws cov teeb meem kev ntxhov siab fab nyiaj txiag sab nrauv FSA cov hauv kev xaiv kev muab kev pab cuam nyiaj qiv uas muaj. Qhov no thooj li Lub Khoos Faj Seeb (Set-Aside Program), tab sis tus neeg qiv tsis tas yuav tsum raug feem cuam tshuam xub thawj los ntawm kev puas tsuaj rau yam ib txwm uas muaj uas tau tshaj tawm txhawm kom muaj kev tsim nyog.



Lwm Cov Kev Hloov Kho Tshiab

Lwm cov kev hloov kho tshiab tseem ceeb yog tau tshwm sim rau Cov Khoos Kas Nyiaj Qiv Ua Liaj Teb, uas suav nrog cov kev hloov pauv rau kev nthuav dav kev muaj cai tau txais nyiaj qiv, txhim kho cov cai teeb tseg rau kev muaj kev paub dhau los txog liaj teb ua ntej, nthuav dav cov kev nkag mus rau Nyiaj Qiv Thaum Muaj Xwm Txheej Ceev, thiab cov hloov tau yooj yim txhab ntxiv hais txog kev ruaj ntseg ntawm nyiaj qiv ncaj nraim.

Txhua yam kev hloov pauv nyob hauv txoj cai yuav siv tau thaum lub Cuaj Hlis Ntuj Tim 25, 2024 thiab yuav muaj lus qhia meej nyob hauv Tsoom Fwv Qhov Kev Teev Npe nrog rau lub Khoos Kas txoj cai Pab Txhawb Kom Mus Siv Tau thiab Muab Tau rau Cov Neeg Qiv Nyiaj Ua Liaj Teb Yug Tsiaj Txu.

Txhawm kom tau txais kev pab hais txog cov nyiaj qiv rau koj qhov xwm txheej tshwj xeeb, txuas lus rau koj Lub Chaw Pab Cuam hauv zos los sis mus rau farmers.gov/loans txhawm rau siv ib ntawm cov cuab yeej nyiaj qiv ntawm liaj teb.